


DAFTAR- BIBLIOGRAFI

- Abdul Ghani bin Abbas. "Wayang Kulit" Majalah Dewan Bahasa, Jilid III, 1959.
- Ahmad Nordin. "Teater Tradisional dan Sebaran Am di Malaysia." Seminar Wayang Kulit Malaysia. Port Dickson, 1979.
- Haji Zainal Abdul Latif. "Pengantar Seni Lakon." Rancangan Pengajian Luar Kampus, Universiti Sains Malaysia.
- Herani @ Khairani bt. Ismail Suki dan Ayub Ismail. "Mak Yong dan Wayang Kulit". Kumpulan Esei.
- Ismail Huseein. "Kegunaan Dialek dalam Pengutaraan Kesenian Daerah." Seminar Wayang Kulit Malaysia, Port Dickson, 1979.
- Koleksi Persidangan. Pementasan dan Permainan Minggu Kesenian Kelantan. Kuala Lumpur, 1985.
- Krishen Jit. Membesar Bersama Teater. Kuala Lumpur: Dewan Bahasa dan Pustaka, 1986.
- Ku Zam Zam Ku Idris. "Alat-alat Muzik dalam Ensembel Wayang Kulit, Mak Mulung dan Gendang Keling di Kedah Utara." Susunan oleh Mohd. Taib Osman dan Wan Kadir Yusoff. DBP, 1986.
- Rahim Syam Norhala. Mendekati Kebudayaan Melayu, Petaling Jaya, Fajar Bakti, 1985.
- Sheppard, Mubin. "The Comic Characters In The Malay Shadow Play". International Conference On The Traditional Drama and Music of Southeast Asia, Kuala Lumpur, 1969.
- Siri Stenbilan Am Kebudayaan. Bil. 3. Bahagian Kebudayaan, Kementerian Kebudayaan Belia dan Sukan Malaysia, 1978.
- Sweeney, Amin. Malay Shadow Puppets. The Wayang Siam of Kelantan. British Museum London, 1972.

Ustaz Abdullah Muhammad (Nakula). "Filsafat dan Pemikiran dalam Wayang Kulit. Seminar Wayang Kulit Malaysia." Port Dickson, 1979.

Yusof, Ghulam Sarwar. "Ke Arah Penggalakan dan Pengembangan Wayang Kulit Malaysia: Satu Tanggapan Umum". Seminar Wayang Kulit Malaysia. Port Dickson, 1979.



LAMPIRAN 1

Perbualan yang berkisar tentang isu semasa.

I

Tuanku : Ooo pengawal.

Pengawal : Kami sedang berjaga segala-galanya tuanku. Di dalam kota dan juga di luar istana, kerana negeri ini negeri yang aman dan damai dengan rakyat yang berbilang kaum dan berbilang bangsa.

Tuanku : Terimakasih pengawal ooi. Kamu mesti jaga gejala-gejala yang mengganggu keamanan manusia. AIDS dan juga dadah.

Hulubalang : Masyarakat kampung mesti dijaga. Segala-galanya kami jaga tuanku.

Tuanku : Mana baju kamu Tong. Awat kamu segan pakai baju? Tak malu kah kepada orang lain?

Tong : Malu apa Pak Encik, kira kita sudahlah.

Hulubalang : Tingkah laku mesti dijaga no. Bukankah negeri kami negeri yang aman dan damai, rakyat berbilang kaum dan bangsa. Tidak pernah berpecah belah. Segala gejala-gejala dadah dan apa-apa pun patut dijaga. Penyakit AIDS nu dari seberang sana dok mai, jaga semua la ni.

Tuanku : Terimakasih no. Terimakasih.

Hulubalang : Kampung semua dah aman damai, kerajaan dah buat jalanraya, macam-macam boleh guna. Petani-petani boleh keluar bawa hasil dari kampung ke pekan ini.

Tuanku : Sekarang kamu mesti jaga anak kami, Tong.

Tong : Pasai anak Pak Encik kami tak puas hati.

Tuanku : Pasai apa?

Tong : Pasai Pak Encik tak ambil usul periksa langsung. Hambat anak keluar dari negeri bersama-sama ibunya. Entahkan mati entahkan hidup.

Tuanku : Jangan kamu dok pandai-pandai!
(Sambil mengetuk kepada Tong)

Tong : Adoi, makan pasir juga aik. Naik bengang kepala. Ampun Pak Encik. Pak Encik buat tak patut kepada anak yang baru berumur 6 tahun. Kes hambat keluar anak-anak tak patut Pak Encik. Ini kira kes dera anak-anak.

Tuanku : Ambil ni.
(Sambil mengetuk kepala Tong sekali lagi)

Tuanku : Tong. Kamu apa khabar?

Tong : Selamat pagi Pak Encik. Apa gaduh, apa loghat?

Tuanku : Bagaimana keamanan negeri kami?

Tong: : Negeri semua aman damai. La ni kita amalkan semangat bergotong-royong. Tolong satu sama lain.

Tuanku : Memang benar.

Tong : Sampah sarap kita kena jaga. Pelancung-pelancung semua dok mai ke sini sebab negara kita ni aman dan damai, dipimpin oleh Yang Amat Berhormat Dato' Seri Perdana Menteri kita. Negeri Kedah pula

dipimpin oleh Yang Berhormat Dato' Menteri Besar kita ni Haji Osman Arop membawa kemajuan untuk rakyat jelata.

Tuanku : Memang benar Tong. Memang benar. Nak capai Wawasan 2020 kita kena tau semua tu no. Zaman la ni kena bersatu hati, bersatu padu. Berkasih sayang. Apa orang dok kata la ni masyarakat penyayang.

Tong : Ha sungguhlah, sungguhlah.

